

黃帝內經素問註證發微卷四

明太醫院正文會稽庠生元臺子馬蔣仲化註證

通評虛實論第三十八

評論也內論病有虛實之義故名篇

黃帝問曰何謂虛實岐伯對曰邪氣盛則實精氣奪則虛

此先明虛實二字之義也言人非無故而虛以邪氣盛

則實耳邪氣盛者外感也非無故而虛以正氣奪則虛

耳正氣虛者內傷也

帝曰虛實何如岐伯曰氣虛者肺虛也氣逆者足寒也非

其時則生當其時則死餘藏皆如此

此舉肺虛一藏其生死必隨乎時而可以例諸藏也肺



主氣氣虛者肺虛也。氣逆者氣上行而逆則在下不足。以無氣而寒。故此肺虛而非相尅之時則生。如春秋多。其生死亦如此而已。夫帝問虛實而伯先以虛爲對。未及於實也。

帝曰。何謂重實。岐伯曰。所謂重實者。言大熱病。氣熱。脉滿。是謂重實。重下聲

此言病有重實之義也。大熱爲病。邪氣甚熱。以後文寒氣暴上脉滿而實。照之則此氣熱者其脉甚滿。是實而又實。謂之重實也。

重實也。素問精義類卷四

帝曰：經絡俱實，何如？何以治之？岐伯曰：經絡皆實，是為脈急而尺緩也。皆當治之。故曰：滑則從，濇則逆也。夫脈實者，皆從其物類始。故五藏骨肉滑利，可以長久也。帝曰：經氣不足，經氣有餘，何如？岐伯曰：絡氣不足，經氣有餘者，口熱而尺寒也。秋冬為逆，春夏為從。治主病者。帝曰：經虛，絡滿，何如？岐伯曰：經虛，絡滿者，尺熱，滿脈口寒濇也。此春夏死，秋冬生也。帝曰：治此者，奈何？曰：絡滿，經虛，灸陰，刺陽。經滿，絡虛，刺陰，灸陽。

此節即經絡俱實，絡虛，經實，經虛，絡實者，而擬其脈體，決其死生，分其治法也。經者，十二經也。絡者，十五絡也。

虛者卽前精氣奪則虛也實者卽前邪氣盛則實也經
爲陽絡爲陰故經中亦有屬陰者而以絡並之則經皆
爲陽絡中亦有屬陽者而以經並之則絡皆爲陰寸部
爲陽尺部爲陰急脈爲陽緩脈爲陰滑脈爲陽澀脈爲
陰脈熱爲陽脈寒爲陰今寸部急而見陽是經實也尺
脈緩而見陰是絡亦實也所謂經絡俱實也必其急緩
之脈帶澀則爲順而生帶滑則爲逆而死何也太凡物
類皆有虛實必滑澤則生枯澀則死非特脈爲然也故
五藏骨肉滑利所以其脈亦滑利以長久而生也若五
藏澀滯則其脈亦澀必不能長久而死矣何以異於物

類也哉。其有絡氣不足，經氣有餘，是絡虛經滿也。惟經
氣有餘，故脉口熱。唯絡氣不足，故尺部寒。春夏屬陽，陽
經與寸，秋冬屬陰，陰絡與尺。惟脉口熱而尺部寒，故時
逢秋冬則陰氣盛而脉口不宜熱，熱爲逆而死。時逢春
夏則陽氣高而脉口宜熱，尺中宜寒，當爲順而生。卽主
病者而治之，何經有餘則寫之，何絡不足則補之。其有
經氣不足，絡氣有餘者，卽經虛絡滿也。滿者實也。唯絡
脉滿，故尺部亦熱滿。惟經脉虛，故脉口亦寒。清春夏應
經與寸，所以寒滿則死。秋冬應絡與尺，所以熱滿而生。
不言治主病者，卽上文可以例推也。治主病者何如絡

為陰。今滿則灸之。虛則刺之。經為陽。今滿則灸之。虛則

刺之。由此觀之。則大抵灸主於寫。而刺則可補也。

帝曰。何謂重虛。岐伯曰。脈氣上虛。尺虛。是謂重虛。帝曰。何

以治之。岐伯曰。虛謂氣虛者。言無常也。尺虛者。行步

虛者。不象陰也。如此者。滑則生。濇則死也。按甲乙經作

缺一虛字。氣虛。氣之下多一上字。尺虛三者並虛為常。故

下文以氣虛尺虛脈虛為常。詳上文重實以氣熱脈滿為

重實。此節脈虛氣虛尺虛為重虛者。甚有理。不但尺

寸俱虛為重虛也。王氏似未當還以甲乙經為的。

此言病有重虛之義也。脈虛。氣虛。尺虛。謂之重虛。氣虛

者。真氣不足也。故脈動無常。尺虛者。腎氣不足也。故行



如此三虛是謂重虛若帶滑利則生否則清滯而死矣
帝曰寒氣暴上脉滿而實何如岐伯曰實而滑則生實
逆則死

此言氣寒而脉實者亦以滑爲生而滯爲死也帝言上
文氣熱脉滿已謂重實必滑則從滯則逆今者寒氣暴
上脉亦盛滿與氣熱脉滿者異其於滑滯逆從生死何
如伯言不問寒熱止論滑滯雖因寒而實必其脉滑而
爲順則生脉滯而爲逆則死也

帝曰脉實滿手足寒頭熱何如岐伯曰春秋則生冬夏則

死



此卽脉證雜見陰陽者而以時決其死生也脉實滿者是陽脉也頭熱者是陽證也皆邪氣有餘也手足是陰證也乃真氣又虛也若此者真邪不分陰陽相然春秋者陰陽未盛之時也正平和之候故生冬夏者偏陰偏陽之時也脉盛頭熱者不能支於夏手足寒者不能支於冬故死

脉浮而滿滿而身有熱者死

此言證與脉反者死也脉浮而滿乃肺脉之應於秋者也而身有熱則火盛金衰主死此前後無問答之語疑爲錯簡也歟

帝曰其形盡滿何如岐伯曰其形盡滿者脈急大堅而不應也如是者從則生逆則死帝曰何謂從則生逆則死岐伯曰所謂從者手足溫也所謂逆者手足寒也

此言陽病者當得陽脈陽證也時形盡滿乃陽病也氣口之脈急大而堅是陽脈也直尺部則滿而不相應耳然必手足溫者是陽證也故有是脈有是證則為從而生否則脈雖急大堅而手足反寒是謂逆而死也帝曰乳子而病熱脈懸小者何如岐伯曰手是溫則生寒則死帝曰乳子中風熱喘鳴肩息者脈何如岐伯曰喘鳴



肩息者脉實大也。緩則生，急則死。

此言乳子脉與病反者，復有他證可驗。病證俱甚者，有脉體可據而決其死生也。乳子而病熱，陽證也，而脉則懸小，是陽證見陰脉也。然手足溫和，正氣猶存，脉雖懸小，特未大耳，故可以得生。否則手足寒而死矣。又乳子中風發熱，喘鳴肩息者，陽證也。脉當實大，惟實大中而緩則邪氣漸退，可以得生。若實大中而急，則邪氣愈增，其病當死矣。

帝曰：腸辟便血，何如？岐伯曰：身熱則死，寒則生。帝曰：腸辟下白沫，何如？岐伯曰：脉沉則生，脉浮則死。帝曰：腸辟下膿

血何如岐伯曰脉懸絕則死滑大則生帝曰腸澼之屬身
不熱脉不懸絕何如岐伯曰滑大者曰生懸澼者曰死
藏期之

此言腸澼

有便血者有下白沫者有下膿血者隨

證隨脉而可以決其死生也腸澼者大少腸有所辟積

而生諸證故腸澼為總名而下豆者為諸證也生氣通天論曰

因而飽食筋脉橫解腸澼為痔所以亦則便血者大便秘澼澼者大陰陽明篇亦云久為腸澼

中下純血也是腎腑有火糞後來者為遠血是心肺有

火今茲腸澼便是血為陰而下血為陰證若身熱則火
血凡下血皆是

盛故主死身寒則火衰故主生其下白沫者非膿非血



而白沫下行是肺氣受傷也然亦陰證之類故脉沉則

生以陰證宜見陰脉也若脉浮則死以陰證見陽脉也

其下膿血者赤白相兼氣血俱傷靈樞經謂之痼泄難治

之大痼泄後世曰痢然脉以懸絕為死正氣不足也滑大則生正

氣有餘也帝問凡腸澼之屬有身不熱則證不死脉不

懸絕則脉不死伯言終當以元氣為主故脉必滑大則

生若懸澼則死其死者以藏期之所謂肝見庚辛死心

見壬癸死肺見丙丁死腎見戊己死脾見甲乙死者是

也按脉訣云下痢微小却為生脉大浮洪無瘥日今屬治此疾亦有滑大而生沉小而死者其懸澼之謂邪

當以經言為的也

帝曰癲疾何如岐伯曰脉搏大滑久自己脉小堅急死不

治帝曰癲疾之脉虛實何如岐伯曰虛則可治實則死

此言癲疾之脉得陽脉虛脉而生也癲疾者陽證也故

搏大滑則陽證得陽脉所以病久自己若脉小堅急則

得陰脉故死不治然癲疾之脉當有取于虛也必搏大

滑中帶虛可治若帶實則邪氣有餘乃死候也脉訣云恍惚之

病定癲狂其脉實牢保安古寸關尺部沉細時如此未

聞人救得正與此大義相合又按長刺節論第十一節

則刺狂癲有法又以靈樞癲狂篇考之則義無餘蘊矣

帝曰消痺虛實何如岐伯曰脉實大病久可治脉懸小堅

病久不可治



此言消癰之病得陽脉而生也消癰者熱證也收脈實

大雖病久亦可治若懸小堅又至於病久則益不可治

矣脉要精微論云癰成爲消中靈樞五變論消癰可參看

帝曰形度骨度脉度筋度何以知其度也方盛衰論云診

皮肉度筋度俞度又按靈樞有骨度脉度筋度篇名而又有經筋篇名至於形度則無之今帝以爲問而下文無答

乃他篇錯簡也

帝曰春亟治經絡夏亟治經俞秋亟治六府冬則閉塞閉

塞者用藥而少鍼石也所謂少鍼石者非癰疽之謂也癰

疽不得頃時回亟音棘塞入声

此言三時治病各有所宜而冬時則用藥而不用鍼也



春時治病治其各經之絡穴夏則治其各經之

則治其六府冬則閉塞但用藥而不用鍼石所

少用鍼石者非謂冬時癰疽亦不用鍼石也彼

得頃刻挽回若不用鍼石以寫之則肉爛筋骨藏府豈

得不用鍼石哉特謂他病則冬時不用鍼石耳

癰不知所按之不應于午來午已刺手太陰傍三病與纓

脉各二按癰大熱刺足少陽五刺而熱不止刺手心主三

刺手太陰經絡者大骨之會各三暴癰筋纒隨分而痛魄

汗不盡胞氣不足治在經俞

痛音賄按腋同纒軟同

此承上文而言治癰之法有此三等也凡癰疽痛無定



所故按之不應手亦無定時故乍來而乍已當刺手太

陰肺經之傍三痛蓋肺經之穴在胷中者曰雲門

中肺經之旁則是足陽明胃經氣戶等穴也刺瘡曰痛

痛者三次也刺三次則有其曰纓脉各二者亦以

之穴如人迎水穴在結喉旁一寸五分則是結纓之所

故曰纓脉各二者左右各二也有等腋下生癰其體大

熱當刺足少陽膽經之穴五痛宜是膽經之淵液穴也

腋下三寸宛宛中舉臂得之鍼三分禁灸若刺之而熱不止當刺手厥陰心

包絡經即手心主之穴三痛宜是天池穴也腋下三寸

鍼二分灸三壯又刺手太陰肺經之經穴經渠寸口陷中鍼絡



穴列缺去腕側上一寸半及大骨之會各三痛當是

太陽小腸經之肩貞穴也在曲胛下兩骨解間

等暴發為癰隨其分肉筋纒而痛在外之陳注

盡在內之胞氣則不足而小便不通當治受患本

俞穴如手太陰肺經列缺為俞之類也按癰疽大義悉其盡極癰疽篇

八十

腹暴滿按之不下取手太陽經絡者胃之募也少陰俞去

脊椎三寸傍五用圓利鍼

此言治腹暴滿之法也凡腹中暴滿按之不下取手太

陽經之絡穴支正在手腕後五寸胃之募中脘是也

在手腕後五寸